

Regional News Unit AIR Aizawl
Sunday, January 26, 2025
Time - 7:30 -7:40Hrs

REGIONAL NEWS BULLETIN

HEADLINES (MORNING)

- Republic Day lawmna chu tukin dar 7.30 khan Mizoram District hrang hrangah DC hovin hman tan a ni a, Aizawl-ah chuan Sipai Lamualah Governor Gen. VK Singh hoin hman a ni.
- BJP Mizoram chuan nimin khan Sairang - Kawnpui - Sethawn inkar (NH-306 & 06) Kawngpui siam mek chu a hmunah an tlawh.
- Ministry of Home Affairs chuan India rama civil mite chaimawina Padma Award dawng thei tur mi hrang hrang hming a puang a, chung zingah chuan Mizo pa R. Lalrawna pawh a tel.
- India chuan vawiin hian Republic Day vawi 76-na a hmang a. President Droupadi Murmu chuan New Delhi-a Kartavya Path atangin Republic Day lawmna a kaihruai dawn a ni. Republic Day parade hi zing dar 10:30 AM atangin tan a ni ang a, minute 90 chhung vel hman a ni ang.



R DAY

Republic Day lawmna chu tukin dar 7:30 khan Mizoram District hrang hrangah DC hovin hman tan a ni a, Aizawl-ah chuan Sipai Lamualah Governor Gen. VK Singh hoin hman a ni.

Lammuala Republic Day lawmnaah hian Larsap chuan India hnam puanzar a pawt pharh. Governor Gen. VK Singh chuan, Republic Day tum 76-naah kal khawmte chu duhsakna chibai a buk a, kum 75 kalta khan India mipui tin ten dikna, zalenna leh intluktlanna an neih theuh theih nan Danpui ‘Constitution’ siam a ni a; inpumkhatna leh rinawmna chhawm nung zel turin an intiam nghal bawk a ni a ti a, India Danpui chu dikna chanvo tarlanna mai bakah hmalak zui dan tur kawng kawhhmuhtu a nih avangin a chhuanawm a, an zawm a, an humhalh flat a pawimawh hle a ni, a ti.

Mizoram Sorkar chuan mahni kutkawiha eizawngtute leh kuthnathawktute puih nan leh State economy chawisan leh intodelh nan “Mizoram Banakaih (Hand holding) Scheme” chu nikum September thla khan a tlangzarh a ti a. He hmalakna hi Viksit Bharat 2047 leh United Nations Sustainable Development Goals (SDGs) hlenchhuah theih nana tangkai tak a ni tel dawn a ni, a ti bawk.

Akashvani Aizawl pawhin Tuikhuahtlanga an hmun puiah he hun hi an hmang a. Station Director DR Lalropuia chuan India Republic Day-ah India president hmasa ber Dr. Rajendra Prasad leh Jawaharlal Nehru te an hrereng tih a sawi a, India chuan khawvel ram zingah khawvel a ram hmasawn zinga chhiar tel turin hma a la mek tih a sawi a ni.

Vawiin chawhnu dar 12:30 hian Governor chenna Raj Bhavan-ah sawm bikte tan thingpui ruai buatsaih a ni dawn bawk a ni.

<><><>

BJP

BJP Mizoram chuan nimin khan Sairang - Kawnpui - Sethawn inkar (NH-306 & 06) Kawngpui siam mek chu a hmunah an tlawh a. He hunah hian BJP, Mizoram State President Pu Vanlalhmuaka leh Dr K. Beichhua, MLA State Core Group Member leh State Media Convener leh hruaitu dang an tel a ni.

Pu Vanlalhmuaka chuan, Mizoram chakkhai lakna ber kawngpui siam kawngah Mizoram Sorkar leh NHIDCL te in mawhpuh kual mai mai lovin, Mizoram kawngpui pawimawh ber chu anei tu tak tak State Sorkar in kawngpui pawimawh thatna turin Monitoring Committee din se, hnathawh dan vil tu tur leh uluk taka enfiah tur Committee din ngei se a ti a, chutiang taka an ngaihsak chuan kawngpui hi chu a tha ngei ngei dawn a ni a ti.

Pu Vanlalhmuaka sawi danin, National Highway 4 lane Vairengte to Sairang Road hi Kum 2020 ah Central sorkar in kawng siam phalsakin, kum hnih chhung a zo thei turin a lo approve tawh a. Nimahsela Mizoram Sorkar leh NHIDCL te inkarah Forest Clearance chungchang leh Compensation chungchangah harsatna a awm avangin hna tan theih ani ta lova, Mizoram chakkhai lakna pawimawh ber chu a chhe ta hle a, kum tin state pum a buai phah ta bawk a ni a ti. Mizoram Sorkar hian 4 lane siam anih theih na tur hian chak takin hma la sela, BJP Mizoram pawhin atheih na apiangah puih a inhuam bawk a ti.

Dr K Beichhua MLA pawhin thusawiin, inkalpawhna kawng pangngai piahlahmah ei leh bar lakluhna bul ber kawngpui tha lo leh thal lai pawh a, Truck lian khalhtute nawrh ngai khawp a ngaihsak loh ani chu State Sorkar mawhpurhna a ni a ti a, tuna kawngpui thawm that dan en hi chuan fur pui thlen hma a kawng an hnawhna hi a chhiat leh hman a hlauhawm hle a, Mizoram Sorkar hian hetiang lo deuh a kawngpui hi thawm that hna thawk turin a ngen tih a sawi a, he kawngpui chhe lai bik siam na tur atana sum an dah cheng vbc 1 leh nuai 25 hian rintlaka kawngpui hi a siam theih dawn loh avangin, Mizoram Sorkar hian ngaihtuahna seng nawn leh tur leh kawng daih rei zawk , fur harsat zual lai thleng tala tha tur a kawng siamna tur sum MPWD te ruahman sak se a ti a ni.

Dr K Beichhua chuan, Mizoram chaklakna kawngpui hian chawkawng Cancer Stage avei mek a, tuna kawng an thawmthat dan en hi chuan nachhawknah inpek ang chauh niin, reilo te ah hei aia nasa a natna chhuak leh thei ang a ni ati bawk.

NH-306 & 06 siam mek chungchanga kan corr report lo ngaithla ang.

Buichali lei atanga New Khamrang thleng hi MPWD ten an siam hleihtheih loh avangin tunah hian BR Goyal Company te chuan kawng siam hna hi thawkin, kumin 2025 March thla chhung a siam zawh hman an inbeisei a, NHIDCL hnuaia kawng siam dang pawh thal chhung a siam that theih an inrin thu NHIDCL hruaitu te chuan BJP State hruaitu te chu an lo hrilh a ni. He tih lai

hian Mizoram PWD ten kawng an siam ve tur bik pawh siam tan mek niin, kawng siam tur en in State Sorkar in sum hman tur an ruahman zat a bei tham avangin Mizoram chaklakna kawngpui chu hetiang chauha thawm that anih chuan rei lo te ah a chhiat leh mai ahlahawm hle bawk an ti a. BJP chuan Mizoram Sorkar chu mipui ten harsatna lian zawk an tawh loh nan kawngpui hi rangtaka siam tha a, furpui thlen hma ngei a siam tha turin kan ngen bawk ani.

BJP hruaitute hian NHIDCL hruaitu te leh NHIDCL hnuaia Contractor hna thawktu Company hotu te kawm nghalin kawng siam chungchang a harsatna awm te an sawipui a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar hi puan leh a ni ang.

<><><>

PADMA AWARD

Ministry of Home Affairs chuan India rama civil mite chaimawina Padma Award dawng thei tur mi hrang hrang hming a puang a, chung zingah chuan Mizo pa R. Lalrawna pawh a tel.

Padma Award chi thum dawng turte chu nimin tlai khan tih chhuah a ni a - Padma Vibhushan dawng turin mi 7, Padma Bhushan dawng turin mi 19 leh Padma Shri dawng turin mi 113 thlan a ni.

Thu leh hla lama a thawh hlâwk avangin Pu R. Lalrawna hian chawimawina a dawng nual tawh a, nikum 2024 pawh khan Bhasan Samman award (Sahitya Akademi) a dawng tawh a ni.

<><><>

President

President Droupadi Murmu chuan nimin khan Parliament-a ‘One Nation One Election’ Bill thehluh chuan kalphung tha siam a tiam tih a sawi. ‘One Nation One Election’ plan hian rorelna kalphung mumal tak a siam thei a, policy khaihlak tur a veng thei a, resource semdarh ah a pui thei a, sum leh pai lama phurrit a ti ziaawm thei bawk a ni, a ti. Republic Day hma-a thu a sawinaah President Murmu chuan hetiang insiamthatna lian tham tak nei tur hian hmalam thlira huaisen taka hma lak a tul thu a sawi a.

President Murmu chuan kum 1947 atanga India mite zinga la awm reng, awp na hnuaia awm rilru put hmang hlui tam tak thlak danglam tura hmalakna inzawmkhawm a nih thu a sawi a, Indian Penal Code, Code of Criminal Procedure leh Indian Evidence Act chu Bharatiya Nyaya Sanhita, Bharatiya Nagarik Suraksha Sanhita leh Bharatiya Sakshya Adhinyam tiha thlak an nih tur chu hmalakna zingah chuan a langsar ber pawl a ni. Criminal dan thar chuan hremna pek ai chuan dikna pek chu criminal justice system lairil ber ah a dah thu a sawi bawk.

Dan thar hian hmeichhia leh naupangte chungga hleihlenna do chu a ngaih pawimawh ber a nih thu a sawi bawk.

<><><>

75th Republic day

India chuan vawiin hian Republic Day vawi 76-na a hmang a. President Droupadi Murmu chuan New Delhi-a Kartavya Path atangin Republic Day lawmna a kaihruai dawn a ni. Republic Day parade hi zing dar 10:30 AM atangin tan a ni ang a, minute 90 chhung vel hman a ni ang.

Akashvani Correspondent chuan, Kartavyapath-a Republic Day Parade hi India ram nunphung hrang hrang leh sipai chakna tihlanna tha tak a ni dawn tih a tarlang a, kum 75 chhung zet constitution zawm a nih leh Jan Bhagidari-te chu a bik takin ngaih pawimawh a ni ang.

Republic Day Parade hawn nan Prime Minister Narendra Modi-a'n National War Memorial-ah pangpar a dah ang a. President Droupadi Murmu hian Kartavya Path hi ceremonial buggy-in a thleng ang a, ceremonial march past neih chhungin chibai a chhang let ang a, he march pass-ah hian Armed Forces, Para Military Forces, Auxiliary Civil Forces, NCC leh NSS unit hrang hrang an tel dawn a ni.

Parade-ah hian Indonesia President Prabowo Subianto chu Khuallian a ni ang. Parade-ah hian member 160 awmna marching contingent leh I member 190 awmna band contingent Indonesia atangin an tel dawn a ni.

Special Guest singkhat category 34 atangin Special Guest atan sawm an ni a, chung zingah chuan khaw hrang hranga Sarpanche te, Handicraft and Handloom Artisans te, SHG member te, ASHA leh Anganwadi worker te, Road Construction Workers te pawh Special Guest atan sawm an ni. Vawiina Republic Day lawmna hi India ram hnam hrang hrang, inpumkhatna, intluklanna, hmasawmna leh sipai chakna te inzawmkhawmna danglam tak a ni ang.

